



ILMIY AXBOROTNOMA

НАУЧНЫЙ ВЕСТНИК

SCIENTIFIC JOURNAL

2021-yil, 4-son (128) GUMANITAR FANLAR SERIYASI

Tarix, Falsafa, Sotsiologiya, Iqtisodiyot, O'qitish metodikasi

Samarqand viloyat matbuot boshqarmasida ro'yxatdan o'tish tartibi 09-25.
Jurnal 1999-yildan chop qilina boshlagan va OAK ro'yxatiga kiritilgan.

BOSH MUHARRIR
BOSH MUHARRIR O'RINBOSARLARI:

R. I. XALMURADOV, t.f.d. professor
H.A. XUSHVAQTOV, f-m.f.n., dotsent
A. M. NASIMOV, t.f.d., professor

TAHRIRIYAT KENGASHI:

S. S. G'ULOMOV	- O'zFA akademigi
A. SAGDULLAEV	- O'zFA akademigi
M. MUXIDDINOV	- fil.f.d., professor (SamDU)
B. E. ERGASHEV	- t.f.d., professor (SamDU)
B. S. G'OYIBOV	- t.f.d., professor (SamDU)
S. K. KARIMOV	- fals.f.d., professor (SamDU)
J. Ya. YAXSHILIKOV	- fals.f.d., professor (SamDU)
N. U. ARABOV	- i.f.d., professor (SamDU)
Sh. A. HASANOV	- fil.f.d., professor (SamDU)
S. A. KARIMOV	- fil.f.d., professor (SamDU)
N. Sh. SHODIEV	- ped.f.d., professor (SamDU)
M.M. MAXMUDOVA	- ped.f.d., professor (SamDU)
NAZIF SHAHRANY	- Indiana universiteti professori (AQSh)
MUSTAFA UGURLU	- профессор (Муғла университети, Туркия)
N.T.NURULLAXODJAYEVA	- professor (Moskva Davlat universiteti, Rossiya)
TAMIR KLEIN	- Veysman ilmiy tadqiqot instituti professori (Isroil)
HIROAKI HUZIIIE	- Osaka universiteti professori (Yaponiya)

MUNDARIJA / СОДЕРЖАНИЕ / CONTENTS

TARIX / HISTORY

A.A.Ungalov	
Said Al-Xarashiyning Movarounnahrda faoliyati.....	3-8
A.A.Nazarov	
Navbog'tepa yodgorligining sirlangan tovoqlari.....	9-13
Sh.B. Kholikulov	
Rus davlatchiligida notarial idoralar faoliyatining rivojlanish bosqichlari.....	14-19
B.Мухамеджанова	
Социокультурное осмысление положения женщин Средней Азии	20-25
S.Ya.Umarov	
Savdo-investitsion jabhada O'zbekiston-Germaniya hamkorligi.....	26-32
Sh. T. Saidaxmatov	
Mustaqillik yillarida Termiz shahri sanoati.....	33-36
G`R.Mirzayev	
O'zbekiston va Qirg'iziston respublikalari hamkorligining shakllanish va rivojlanish masalalari.....	37-43

FALSAFA / PHILOSOPHY

A.Z. Sharipov	
Milliy g'oyani rivojlantirish va ma'naviy qadriyatlar transformatsiyasida ma'rifiylik va dunyoviylik tamoyillarining o'ziga xosligi.....	44-48
B.T.Kuyliyev	
Jamoatchilik ongini manipulyatsiyalash texnologiyalarining o'ziga xos aspektlari..	49-54
N.Sh Yunusova., O'K. Erniyozov	
Demokratlashtirish va ma'naviyatni tadqiq qilishning nazariy asoslari.....	55-59
A.E.Amonov	
Markaziy osiyo xalqlari madaniy hayotida buddaviylik dinining qoldirgan izlari....	60-64
M.S.Abbasova	
Ma'naviy raqobat tushunchasi: genezisi va evolyutsiyasi.....	65-69
B.M.Nabiyev	
Ideological factors of strengthening socio-political stability in Uzbekistan.....	70-74
F.F.Xatamov	
Harakatlar strategiyasi – inson huquqlari kafolati sifatida.....	75-78

HUQUQSHUNOSLIK/ LAW /

B.M.Azizov	
“Ma'muriy tartib-taomillar to'g'risida”gi Qonunni davlat boshqaruvidagi ahamiyati va uni amaliyotga joriy etishdagi muammolar.....	79-82
D.R.Qurbonov, S.R.Ibodullayev	
Jinoyat huquqi tushunchasi (jinoyat huquqiga kirishning uslubiy jihatlari).....	83-90

O'QITISH METODIKASI / TEACHING METHODOLOGY

A.Soleev, H.Shodiev	
Student-centered credit system in education.....	90-97
I.S.Umarov., Y.S. Ergashov	
Ta'limning kredit texnologiyasi sharoitida modulli ta'lim tamoyillari.....	98-101
F.X.Baychayev	
Kasbiy yo'naltirilgan masalalar asosida kompetentlikni takomillashtirishning dolzarbligi.....	102-106

Mualliflarga

UDK: 323(575.1)316:1

**MILLIY G'OYANI RIVOJLANTIRISH VA MA'NAVIY QADRIYATLAR
TRANSFORMATSIYASIDA MA'RIFIYLIK VA DUNYOVIYLIK
TAMOYILLARINING O'ZIGA XOSLIGI**

A.Z.Sharipov*Buxoro davlat universiteti**E-mail: abduhakim-83@mail.ru*

Annotatsiya. Ushbu maqolada yangilanayotgan O'zbekiston jamiyatining ma'naviy va mafkuraviy sohalarida ro'y berayotgan tub islohotlarning mazmun-mohiyati ijtimoiy-falsafiy tahlil etilgan. Jamiyatimiz yangi ma'naviy qiyofasini shakllantirish va uchinchi Renessans poydevorini barpo etish borasida ma'rifiylik va dunyoviylik tamoyillarining nazariy-metodologik xususiyatlari o'rganilgan. Mazkur maqola yangi O'zbekistonning ma'rifiy xususiyatlari va uchinchi Renessans poydevorining ma'naviy asoslari to'g'risida yaxlit tasavvur hosil qilish imkonini beradi.

Kalit so'zlar: ma'naviyat, ma'rifiylik, dunyoviy ilm-fan, yangi O'zbekiston, ma'naviy qadriyatlar, milliy g'oya, bag'rikenglik, islom

Особенности принципов просветления и современности в развитии национальной идеи и трансформации духовных ценностей

Аннотация. В данной статье проведен социально-философский анализ сущность радикальных реформ, происходящих в духовной и идеологической сферах в обновляемом обществе Узбекистана. Изучаются теоретико-методологические особенности принципов просвещения и современности в формировании нового духовного образа общества и построении основ третьего Возрождения.

Ключевые слова: духовность, просвещение, светская наука, новый Узбекистан, духовные ценности, национальная идея, толерантность, ислам.

Characteristics of enlightenment and modern principles in the development of the national idea and the transformation of spiritual values

Abstract. The article makes a socio-philosophical analysis of the essence of radical reforms taking place in the spiritual and ideological spheres of the renewed society of Uzbekistan, Uzbek society. The theoretical and methodological features of the principles of enlightenment and modernity in the formation of a new spiritual image of society and the construction of the foundations of the third Renaissance are studied. This article provides an opportunity for a holistic view of the educational features of the new Uzbekistan and the spiritual foundations of the Third Renaissance.

Keywords: spirituality, enlightenment, secular science, new Uzbekistan, spiritual values, national idea, tolerance, Islam

Bugungi notinch zamonda yoshlarni ilm-ma'rifat asosida tarbiyalash, ularni begona va zararli g'oyalar ta'siridan himoya qilishda islom sivilizatsiyasining noyob ma'naviy merosi va qadriyatlari g'oyat muhim ahamiyat kasb etadi.

Shavkat Mirziyoev

Insonning jamiyatga uyushib yashash zaruriyati uning ma'rifiy-ma'naviy dunyosining yuksalishi natijasi o'laroq shakllanadi. Inson dunyoqarashi manaviy va ma'rifiy qadriyatlar bilan boyigan davrdan boshlab u o'zining atrofidagi muhitga, inson va insoniy munosabatlarga zaruriyat seza boshlaydi. SHu bilan birga, ma'naviyat faqat merosiy, tarixiy va an'anaviy qadriyat emas, balki doimo rivojlanib, takomillashib, yangi hayot tarzi bilan uyg'unlashib boruvchi voqeliqdir. Aksariyat olimlar ma'naviyatga doir o'z izlanishlarini faqat

o'tmish bilan cheklaydilar, hozirgi kunning dolzarb maqsad va vazifalari bilan bog'lamaydilar.

Hozirgi davrga kelib rivojlangan mamlakatlarda fuqarolik jamiyati qadriyatlari - xalq hokimiyati, hokimiyatning fuqarolar manfaatlari asosida faoliyat yuritishini, siyosiy qarorlar qabul qilishni ko'pchilik ovozi bilan hal etish, ozchilik huquqlarining hurmat qilinishi, asosiy inson huquqlarini amal qilinishiga kafolatlar yaratilganligi, erkin va adolatli saylovlar tizimini an'anaga aylanganligi, qonunning barcha uchun tengligi, odil sud hokimiyatining o'rnatilishi, dunyoqarashlar plyuralizmi, turli xil qarashlar va fikrlarning o'zaro bir-biriga bag'rikeng bo'lishi kabi qadriyatlar har bir jamiyat a'zosining ma'naviyati va madaniyatining uzviy va ajralmas bo'laklariga aylandi. Albatta, bu qadriyatlar XX asrda o'z takomiliga etgan, o'z rivojlanishini qadimgi davrdan boshlagan ma'naviy yuksalishning so'nggi bosqichi mahsulidir [3].

Falsafiy ta'limotlarda nafaqat er sayyorasi, balki butun koinot doimiy o'zgarish va rivojlanishda ekanligi bot-bot takrorlanadi. Insoniyat jamiyati ham ana shu dialektik aloqadorlik qonuniga muvofiq asosda yashaydi va hayot kechirmoqda. Ayni paytda, mamlakatlar va xalqlar tarixida shunday yangilanish vaqtlari borki, bunday davrda millatning ezgulikka intilishi, ixtiro va kashfiyotlari yuksak cho'qqilarga ko'tariladi. Bugun mamlakatimizda ham rivojlangan mamlakatlar ijtimoiy-iqtisodiy taraqqiyoti darajasiga erishish, yangi O'zbekiston jamiyati qurishdek ezgu maqsadlar sari ildamlash davom etmoqda[5].

Ammo, amaliyotga joriy etilgan va mustaqillikning chorak asrlik davrida ijtimoiy hayotning barcha sohalarini rivojlantirishga oid konsepsiyalar, ustuvor vazifalar va yo'nalishlar ko'rsatib berilgan turli harakat dasturlarida ma'naviy-ma'rifiy, g'oyaviy-mafkuraviy sohadagi islohotlarga kuchli e'tibor berilmagani, bunda plyuralistik tamoyil amal qilmaganini hayotning o'zi tasdiqlab turibdi.

O'zbekiston taraqqiyotining hozirgi bosqichida bu boradagi yondashuvlarni o'zgartirish va sohani modernizatsiyalash talab qilinmoqda. Bu jarayonda tinchlik va osoyishtalikni asrash, jahon hamjamiyatida o'ziga xos va munosib o'rni bor davlat sifatida, avlod-ajdodlarimiz merosini chuqur o'rganish bilan birga, ushbu an'analarni yanada yuksakroqqa ko'tarish zarurati mavjud.

Dunyo hamjamiyati tomonidan keng e'tirof etilayotgan boy ilmiy-ma'naviy merosimiz jahon madaniy-ma'naviy taraqqiyotiga ulkan hissa qo'shganligi ma'lum. Aynan ana shu omil mamlakatimizda uchinchi Renessans poydevorini yaratishning ma'naviy-mafkuraviy, ma'rifiy-diniy asosi vazifasini bajarmoqda.

Ma'rifat insonning o'z erkinligini his etishi, mutelik ruhiyatidan poklanishi, millat, jamiyat va o'z Vataniga nisbatan muhabbat va ezgulikka erishish kafolati hamdir. Faqat ma'rifatli inson o'z shaxsiy manfaatlarini jamiyat manfaatlaridan past qo'ya oladi. Inson jamoa, millat va davlat manfaatlarini ifoda etish va qondirish uchun faollik ko'rsata olsa, o'zining ham manfaatlarini anglashda ma'rifatlilik darajasi yuksalib boraveradi. Xaqiqiy barkamol va ma'rifatli insonda jamiyatdagi barcha manfaatlar va ehtiyojlari muvofiqlashtirishga intilish, bu faoliyatni u xuddi o'zinipg umri mazmunidek his qilish xarakteri shakllanadi.

Inson faqat ma'rifatli bo'lish natijasidagina o'zi qurmoqchi bo'lgan ulkan bino – yangi jamiyatni tasavvur qila oladi. Ana shunday tasavvurgina insonga intilish, yaratuvchanlik ruhini baxsh etadi. Qolaversa, faqat ma'rifatli insongina jamiyag va davlat rivojlanishining demokratik va siyosiy jarayonlarida ixtiyoriy ravishda ishtirok eta oladi [4].

Milliy g'oyani rivojlantirishning eng asosiy maqsadlaridan biri – biz o'tmoqchi bo'lgan fuqarolik jamiyatini tasavvur qilish, xalqimizga ruhiy jihatdan ma'naviy oziq berish, yangi ijtimoiy-iqtisodiy munosabatlar o'rnatishga doir islohotlar jarayonlariga fuqarolarning daxldorlik va safarbarligiga erishish, fuqarolik jamiyatining xalq roziligi va adolat ustuvorligiga erishish kafolati ekanligi g'oyasini singdirishdir [11].

Umuman, mamlakatda yangi jamiyat qurish va uni rivojlantirish maqsadlarida, avvalambor, inson omiliga muhim e'tibor berish, ma'naviy yuksak insonlarni shakllantirish davlat siyosatining muhim yo'nalishlaridan biridir. Shuning uchun ham jamiyatda yashaydigan fuqarolarning milliy va ma'naviy qadriyatlar kabi asosiy maqsadlar atrofida birlashishi va jipslashishi ular faoliyatini yanada takomillashtiradi.

Yer yuzida insoniyat yaratilganidan boshlab hayotiy va insoniy qulayliklarga ega bo'lgan adolatli jamiyat qurishga intilishlar hamon davom etmoqda. Tarixning ilk davridanoq adolatli jamiyat qurishda jamiyat barqarorligini saqlashning bebaho omili sifatida axloqiy va ma'naviy qadriyatlarni rivojlantirishga e'tibor qaratgan. Aynan ana shu asos tufayli ideal jamiyat orzusidagi tasavvurlarga oid ilmiy, ijtimoiy-falsafiy va diniy qarashlar shakllandi [2].

Milliy ma'naviyatimiz tarixida o'chmas iz qoldirgan buyuk allomalarimiz, mutafakkir bobolarimizning Vatan va xalq oldidagi xizmatlari, bebaho ilmiy va ijodiy merosi bilan nafakat xalqimizni, ayni vaqtda dunyo jamoatchiligini ham keng tanishtirishga alohida ahamiyat berilmoqda. Ma'lumki, Markaziy Osiyo zamini islom ilm-fani va madaniyatining qadimiy beshiklaridan biri hisoblanadi. Xalqimizning boy tarixiy, ilmiy, ma'naviy merosini har tomonlama o'rganish, islom dinining asl insonparvarlik mohiyatini chuqur ochib berish «Jaholatga qarshi – ma'rifat» tamoyili asosida ma'naviy qadriyatlarimizni asrash bu sohadagi islohotlar negizidir [14].

Xalqaro maydonda mafkuraviy manzarani o'zgarib borayotganligi, jahon siyosati va iqtisodida muammolar avj olayotganligi dunyoning umumiy manzarasini o'zgartirish tarafdorlari ko'payib borayotganligi global dunyo taraqqiyotiga xos bo'lgan eng muhim xususiyatlar sifatida namoyon bo'lmoqda. Chunonchi, “shunday bir vaziyatda jamiyatimizni ma'naviy tahdidlardan himoya qilish borasidagi ilmiy-amaliy tadqiqotlarni, tahliliy va targ'ibot materiallarini tayyorlash usulini tubdan qayta ko'rib chiqishimiz zarur. Umuminsoniy, milliy va diniy qadriyatlarimizga bepisandlik bilan qarash holatlariga qarshi kurashishning metodologik asoslarini shakllantirish lozim” [9].

Ijtimoiy hiyotimizda ko'plab ijobiy jarayonlar bilan birga, yosh avlodning qalbi va ongini egallashga qaratilgan ma'naviy tahdidlar ham tobora xavfli tus olmoqda. Yoshlarimizni ona Vatanimizga, mustaqillik g'oyalarga muhabbat va sadoqat ruhida tarbiyalash, ularning iste'dod va qobiliyatini, ezgu intilishlarini ro'yobga chiqarish yo'lida islom dinining ma'rifiy jihatlaridan foydalanish ayni muddao.

Zamonaviy ilm-fan va yuqori texnologiyalarni mukammal egallash har qanday davlat va jamiyat taraqqiyotining hal qiluvchi omiliga aylandi. Yoshlarni ilmiy va innovatsion faoliyatga keng jalb etish, yosh olimlarning innovatsion faoliyatini qo'llab-quvvatlashga katta e'tibor berilmoqda.

Zero, Prezidentimiz Sh.M.Mirziyoev ta'kidlaganlaridek: “... yoshlarimizga zamonaviy ta'lim-tarbiya bilan birgalikda, qon-qonimizga singgan muqaddas dinimizning mohiyatini to'g'ri tushuntirib berishimiz, ularni ezgu g'oyalar ruhida tarbiyalash haqida jiddiy o'ylashimiz lozim” [8].

Shiddat bilan o'zgarib, barqarorlik va millatlar xavfsizligiga rahna soladigan turli taxdid va xatarlar kuchayayotgan kunda ma'naviyat va ma'rifatga, g'oya va mafkura jarayonlariga alohida diqqat qaratish muhimdir.

Aynan zamonaviy ta'lim va tarbiya, yuksak ma'rifat taraqqiyotning, farovonlikning bosh omilidir. Bu esa, ta'lim va ma'rifat tizimini takomillashtirish, yoshlarni zamonaviy bilim olishga muvofiqlashtirish, barkamol shaxsni tarbiyalashda muqaddas islom dinining aqidalari bilan bog'liqdir.

Bu borada taxdidlarning sababini emas, ularning oqibatlari bilan qarshi kurashish amaliyoti kuzatilmoqda. Shu munosabat bilan yoshlarning ongu tafakkurini ma'rifat asosida shakllantirish va tarbiyalash eng muhim vazifadir. Yoshlarni ilm-ma'rifatga o'rgatish, ularga islom dinining insonparvarlik mohiyati, islom madaniyatining asl qadriyatlarini etkazish ekstremizmga qarshi kurashishning eng samarali vositasi hisoblanadi. Insoniyat hayotiga taxdid solayotgan xavf-xatarlarga qarshi jaholatga qarshi ma'rifat asosida kurashish, dinimiz pokligini saqlash bo'yicha mamlakatimiz tomonidan nufuzli xalqaro minbarlardan qator amaliy tashabbuslar ilgari surilmoqda. Xususan, Prezidentimiz Sh.M.Mirziyoevning Birlashgan Millatlar Tashkiloti Bosh Assambleyasi sessiyasida «Ma'rifat va diniy bag'rikenglik» degan nom bilan maxsus rezolyusiya qabul qilish haqida bildirgan takliflari jahon miqyosida keng qo'llab-quvvatlanib, BMT Bosh Assambleyasining «Ma'rifat va diniy bag'rikenglik» deb nomlangan maxsus rezolyusiyasi qabul qilindi. Respublika Ma'naviyat va ma'rifat Markazining «Jaholatga qarshi ma'rifat» g'oyasiga tayangan holda ma'rifiy targ'ibot yo'nalishidagi faoliyati muvofiqlashtirilib, zamonaviy talablar asosida tashkil etildi [6].

Xalqaro miqyosda dinlararo va sivilizatsiyalararo muloqotni yo'lga qo'yish, inson qalbi va ongini egallash uchun turli xavf-xatarlar kuchayib borayotgan bugungi murakkab davrda islom dinining insonparvarlik mohiyatini ochib berish, jaholatga qarshi ma'rifat bilan kurashish, yosh avlodni gumanistik g'oyalar, milliy g'urur va iftixor ruhida tarbiyalash maqsadida O'zbekiston Respublikasi Vazirlar Mahkamasi huzurida davlat muassasasi shaklidagi O'zbekistondagi Islom sivilizatsiyasi markazi tashkil etildi [12].

Shu bilan bir qatorda amalga oshirilish zarur bo'lgan dolzarb vazifalar ham kam emas. Xususan,

- «Jaholatga qarshi ma'rifat» g'oyasi asosida jamiyatda uzluksiz ma'naviy-ma'rifiy tarbiya va targ'ibot-tashviqot ishlarini tashkil etishning strategik yo'nalishlari, ta'sirchan, kreativ va innovatsion uslublarini amaliyotga qo'llash zarur.
- Mamlakatimiz asrlar davomida jahon sivilizatsiyasining ajralmas qismi, islom madaniyati markazlaridan biri bo'lib kelganini aks ettiradigan ilmiy-tarixiy konsepsiyani samarali amalga oshirish lozim.

Jaholatga qarshi ma'rifat va ta'limni kuchaytirish orqali kurashish, shu asosda bashariyat farovonligini targ'ib qilib, insonlarni ezgulikka da'vat etish yo'lida bu vazifalar muhim ahamiyat kasb etishi muqarrar.

O'zbekistonni rivojlangan mamlakatga aylantirishni maqsad qilib qo'ygan ekanmiz, bunga faqat jadal islohotlar, ilm-ma'rifat va innovatsiya bilan erisha olamiz. Buning uchun, avvalambor, tashabbuskor islohotchi bo'lib maydonga chiqadigan, strategik fikr yuritadigan, bilimli va malakali yangi avlod kadrlarini tarbiyalash zarur.

Ayni paytda, hozirgi globallashuv tufayli inson ongi va qalbi uchun kurash kuchaygan bir paytda namoyon bo'layotgan turli g'oyaviy tahdidlar va xurujlar jamiyatimizning tadrijiy taraqqiy etayotgan ma'naviy hayot dinamikasiga mafkuraviy ta'sir ko'rsatishning kuchli va ta'sirchan quroliga aylandi [15].

Bunday vaziyatda jamiyatimizning ma'naviy taraqqiyot strategiyasini yaratish, uning uzluksizligi va samaradorligini ta'minlashga qaratilgan ilmiy-nazariy va metodologik asoslarni mustahkamlash, targ'ibot va tashviqot tizimi va mexanizmini yanada takomillashtirish vazifalari zaruriy talablarga aylanib bormoqda.

Yurtimizda hukm surayotgan do'stlik va birdamlik muhiti – tinchlik va barqarorlik, amalga oshirilayotgan islohotlar samaradorligini oshirish, O'zbekistonning xalqaro maydondagi obro'-e'tiborini yanada yuksaltirishning eng muhim omilidir. Bag'rikenglik va insonparvarlik madaniyatini rivojlantirish. Millatlararo va fuqarolararo xamjixatlik va totuvlikni mustahkamlash, yosh avlodni shu asosda, Vatanga muxabbat va sadoqat ruxida tarbiyalash davlatimiz siyosatining muhim ustuvor yunalishlaridan biriga aylangan. Bugungi kunda keng ko'lamli islohot va tub o'zgarishlar natijasida yangilanib borayotgan yurtimizda vijdon erkinligini ta'minlash davlat siyosati darajasiga ko'tarilib, bu borada ulkan chora-tadbirlar amalga oshirilmoqda. Biz faqat shu yul bilan bugungi kunning barcha taxdid va xavf-xatarlariga samarali qarshi turishimiz, jamiyatimizda turli buzg'unchi g'oyalarga qarshi qat'iy immunitet yaratishimiz, o'zimiz tanlagan demokratik taraqqiyot yo'lida yanada salmoqli natijalarga erishishimiz mumkin.

Ma'rifatparvar bobomiz Mahmudxo'ja Behbudiyning "Dunyoda turmoq uchun dunyoviy fan va ilm lozimdur", - degan so'zlari bugun ham dolzarb ahamiyatga ega [1].

Muqaddas dinimizning ezgulik, insonparvarlik dini ekanini, ma'naviyatga, ilmga undashini, ota-bobolarimiz bunga beqiyos hissa qo'shganini tasdiqlovchi ilmiy natijalarni ko'rish va yangi tadqiqotlarga zamin yaratish asosiy maqsaddir.

Adabiyotlar

1. Behbudiy M. Tanlangan asaplar. – Toshkent: Manaviyat, 1999. – 280 b.
2. Jo'raev N. Tamaddunga da'vat taraqqiyot strategiyasi. – Toshkent: O'zbekiston, 2018.
3. Qirg'izboev M. Fuqarolik jamiyat: genezisi, shakllanishi va rivojlanishi. -T.: O'zbekiston, 2010.
4. Quronov M. Betakrorimsan, yagonasan, ona vatanim, O'zbekistonim. – Toshkent: Ma'naviyat, 2015.
5. Ma'naviyat asosiy tushunchalar izohli lug'ati (Mas'ul muharrir: Nazarov Q., Qarshiboev M. va b.). – Toshkent: G'afup G'ulom nomidagi nashriyot-matbaa ijodiy uyi, 2009.
6. Mirziyoev Sh.M. Xalqimizning roziligi bizning faolyatimizga berilgan eng oliy bahodir. – Toshkent: O'zbekiston, 2018.
7. Mirziyoev Sh.M. Milliy tiklanishdan – milliy yuksalish sari. –Toshkent: O'zbekiston, 2020.
8. Mirziyoev Sh.M. Jamiyat hayotining tanasi iqtisodiyot bo'lsa, uning joni va ruhi ma'naviyatdir // <https://yuz.uz/news/jamiyat-hayotining-tanasi-iqtisodiyot-bolsa-uning-joni-va-ruhi-manaviyatdir>
9. Musaev F. Demokratik davlat qupishning falsafiy–huquqiy asoslari. – Toshkent: O'zbekiston, 2007.
10. Otamurodov S. Globallashuv: millatni asrash mas'uliyati (siyosiy-falsafiy qirralari). – T.: O'zbekiston, 2018.
11. Haydapov A. Harakatlar strategiyasi va ma'naviy yuksalish. – Toshkent: Donishmand ziyosi, 2020.
12. Erkaev A. Ma'naviyat va taraqqiyot. – Toshkent: Ma'naviyat, 2009. – 480 b.
13. Eshqobil Shukup. Dunyoni ma'naviyat qutqaradi //Ma'naviy hayot. –Toshkent: 2017. – №3.
14. Nazarov Q. Jahon falsafasi qomusi – T.: Ma'naviyat, 2019.
15. Mirziyoev Sh.M. Yangi O'zbekiston strategiyasi. – T.: O'zbekiston, 2021.

SAMARQAND DAVLAT UNIVERSITETI ILMIY AXBOROTNOMASI

НАУЧНЫЙ ВЕСТНИК

SCIENTIFIC REPORTS

Texnik muharrir

A. I. Inatov

Muharrirlar:

I. Sulaymonov

- fil.f.n., dotsent

E. U. Arziqulov

- f.-m.f.d., dotsent

O. Yusupova

- fil.f.n., dotsent

Mas'ul muharrirlar:

D. M. Aronbayev

- k.f.n., dotsent

A. Sh. Yarmuxamedov

- f.-m.f.n.

X. S. Haydarov

- f.-m.f.n., dotsent

Muassis: Samarqand davlat universiteti Manzil: 140104,
Samarqand shahri, Universitet hiyoboni, 15.
Telefon: (0 366) 239-14-07, Faks: (0 366) 239-13-87 e-mail:
axborotnoma@samdu.uz

SamDU «Ilmiy axborotnoma» jurnali tahririyati kompyuterida terildi. Bosishga
10.11.2021 yilda ruxsat etildi. Qog'oz o'lchami A-4. Nashriyot hisob tabog'i 10,00.
Buyurtma raqami 483. Adadi 30 nusxa.

Manzil: 140104, Samarqand shahri, Universitet xiyoboni, 15.
SamDU bosmaxonasida chop etildi.